

**FUTURO BEKRITISEERT
JARENLANG HET ONTBREKEN
VAN JAARREKENINGEN, MAAR
ZWIJGT BIJ BEHANDELING VAN
JAARREKENING 2019**



WWW.SOLODIPUEBLO.COM



SOLODIPUEBLO@GMAIL.COM

PARLAMENTO A APROBA JAARREKENING 2019 Y HUNTO CUNE E CAMBIO DEN MANEHO DI FINANSA PUBLICO NA ARUBA



GOBIERNO TA ANUNCIA UN FASE NOBO DI STABILIDAD Y PROFESIONALISMO PA ARUBA AIRPORT AUTHORITY

Un pionero den mundo medico
**DOKTER DIEGO
GONZÁLEZ RIVAS TA
COMPARTI SU TECNICA
DURANTE OPERACION
NA ARUBA**



Un pionero den mundo medico

DOKTER DIEGO GONZÁLEZ RIVAS TA COMPARTI SU TECNICA DURANTE OPERACION NA ARUBA



Siman pasa Horacio Oduber Hospital (HOH) tabatin e honor di ricibi bishita di un pionero den mundo medico dokter Diego Gonzalez Rivas. E ta un ciruhano specialisa den operacionnan di torso y pulmon y a desaroya pa prome bes na aña 2010 un tecnica nobo di “single-port VATS” pa operacionnan complica: un tecnica di cirugia avansa cu ta menos invasivo haciendo uzo di un incision hopi chikito. Hospital ta masha orguyoso di por a ricibi dokter Gonzalez y di por a siña di e tecnica aki durante un operacion di pulmon.

Ciruhano Yuri Casseres y alabes Miembro di Hunta di Directiva na HOH a expresa e honor pa por a opera hunto cu dokter Diego Gonzalez Rivas, un ciruhano cu ta opera rond

di mundo. Aruba tabata e di 140 pais cu el a bishita pa opera. Actualmente ta trahando riba un serie na television cu lo pasa riba Netflix cu dokter Diego Gonzalez Rivas pues un bishita special y aunke e ta di un dia solamente, toch algo hopi grandi pa un isla chikito manera Aruba.

Pa mas cu’n aña caba HOH ta den preparacion pa haci e operacion cu e famoso dokter aki posibel, entre otro door cu mester a trece instrumentonan specialisa na Aruba cu dokter Gonzales Rivas ta uza durante su operacionnan. Dokter Diego Gonzalez Rivas a comparti cu e personal di camber di operacion e instrumentonan cu e ta uza y alabes e manera con e ta haci un operacion grandi di pulmon a traves di un corta hopi chikito.



Di su banda, dokter Diego Gonzalez Rivas a expresa cu tur cos a bay bon y e ta contento di por a traha memey di profesionalnan na HOH. “E sala di operacion ta un di esunnan di mas moderno cu mi a yega di mira, pasobra e ta conta cu tur tecnologia, pero tambe profesionalnan den enfermeria, asistentnan di OK y tambe

di anestesia bon educa. Nos a haci un operacion cerca un pashent unda cu a kita pida di pulmon y saca likido excesivo via di un corta chikito di solamente dos (2) centimeter.” Por ultimo, dokter Diego Gonzalez Rivas a gradici henter e team di HOH pe tremendo cooperacion y pa un operacion exitoso.

Ta bon pa remarca cu regularmente HOH ta ricibi bishita di specialistanan internacional cu ta bin opera na Aruba. Door di continuamente comparti conocemento y experiencia riba tereno di cuida medico cu otro, ta motiva y educa nos profesionalnan tambe pa asina eleva calidad di cuida pa nos pashentnan na Aruba.

Parlamentario Xiomara Maduro:

PARLAMENTO A APROBA JAARREKENING 2019 Y HUNTO CUNE E CAMBIO DEN MANEHO DI FINANSA PUBLICO NA ARUBA

Dialuna Parlamento di Aruba a trata Jaarrekening 2019 y a aproba esaki cu 17 voto pro y un voto contra. Ta importante pa sa cu den aña 2019 Gabinete Wever-Croes a logra cambia e maneho y e rumbo financiero di Aruba, y ta logra un di e miho resultado financiero prome cu e pandemia di COVID-19.

Un cambio den rumbo

financiero di Aruba

En corto den jaarrekening di 2019, e deficit financiero di Gobierno a mehora cu 120 miyon florin. Entrada di Gobierno a subi cu 121 miyon florin. Gasto di Gobierno a keda bou control. E debe di Aruba a stop di crece pa prome biaha despues di hopi tempo. Aruba a logra surplus primario grandi cu ta core den 200 miyon florin.

Den 2019, Aruba no solamente a cumpli, pero a supera e norma financiero acorda cu Hulanda. Di e manera aki un cambio grandi a wordo logra den e rumbo financiero di nos Pais, y ta laga atras un era cu tabata tipifica pa debe halto y deficit grandi.

Trabou den ekipo a logra pa Aruba

Como ex Minister di Finansa nos kier gradici di curason tur Aruba su profesionalnan cu a traha hopi duro pa logra e cambio aki den Aruba su finansa publico.

Un pabien y danki grandi ta bay specialmente na e ekipo di Departamento di Finansa, Central Accountantsdienst,



Departamento di Legislacion y Algemene Rekenkamer pa nan trabou diligente na bienestar di

Aruba. Trabou den ekipo, semper ta logra pa Aruba. Danki pa kere den Aruba!



De Minister van Algemene Zaken, Innovatie, Overheidsorganisatie, Infrastructuur en Ruimtelijke Ordening is voornemens in het openbaar aan te besteden, het project:

"RENOVATIE EN UITBREIDING MFA TE SAN NICOLAS"
Volgens bestek PMEC MFA 2025-01SN d.j. 2025

Korte omschrijving van het werk:
Het werk bestaat uit:

- Sloopwerkzaamheden;
- Graafwerkzaamheden;
- Renovatie werkzaamheden;
- Het slopen van alle elektrische armaturen en installaties.
- Nieuwe riolering en waterleiding;
- Nieuwe uitbreidingen conform tekening;
- Nieuwe technische installaties;
- Nieuwe kantoor indeling;
- Nieuwe toilet ruimtes;
- Schilderwerk binnen en buiten;
- Aanbrengen van nieuwe lift.

Uitvoeringstermijn: **14 maanden** na datum van aanvang inclusief bestelling tijd.

Het bestek is vanaf **19 november 2025** verkrijgbaar bij D.O.W. tegen betaling van **Afl. 750,00**.

De betaling te voldoen bij de kassier van de Dienst Openbare Werken (DOW). De Openbare bescheiden liggen ter inzage vanaf **19 november 2025** te DOW bij het Secretariaat van de Directie.

Inlichtingen worden verstrekt op **24 november 2025** om 10.00 vm te DOW.

De Nota van Inlichtingen wordt vastgesteld op **5 december 2025**.

De Openbare aanbesteding vindt plaats op **19 december 2025** om 11.00 vm op het kantoor van de Directeur van de Dienst van Openbare Werken.

De inschrijver moet bij zijn inschrijving de volgende vereisten overleggen:

1. Bewijs van inschrijving in het register van de Kamer van Koophandel van Aruba. (niet ouder dan 6 maanden).
2. Bereidheidverklaring tot het instellen van een bankgarantie of borg.
3. De staat van eenheidsprijzen voor verrekking van meer- en minderwerken.
4. Een lijst van in te schakelen onderaannemers.
5. Overige vereisten opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.

Clasificados

SOLODIPUEBLO@GMAIL.COM

CEL. 585 9500

PARTIDO RAIZ: REFORMA DEMOCRATICO TA CLAVE PA FORTALECE TRANSPARENCIA, AUTONOMIA Y UN SISTEMA DI GOBERNACION MODERNO

ORANJESTAD, ARUBA 18 DI NOVEMBER 2025 – Partido RAIZ a tene su di shete sesion di Academia di Bon Gobernacion 2025 (ABG), cu e tema “Reforma Democratico”, presenta pa Sr. Miguel Mansur, economista, inversionista y ex-Miembro di Parlamento (2021–2025), y fundador di partido centrista-liberal ACCION 21.

Durante e presentacion, Sr. Mansur a comparti un analisis profundo riba con Aruba por sigui avansa na materia di democracia moderno, transparencia y responsabilidad publico. E la bisa cu Reforma Democratico no ta un concepto teoretico, sino un necesidad fundamental pa un pais chikito cu un economia abierto, expone na retonan global y regional.

Sr. Mansur a enfatisa cu un sistema democratico fuerte mester ta basa riba:

- **I n s t i t u c i o n n a n** independiente cu ta traha na transparencia;
- Un sistema robusto di ‘checks and balances’;
- Un proceso electoral moderno cu ta garantiza participacion y claridad;
- Decisionnan basa riba data y evidencia, no riba impulso politico;
- Un cultura civico cu ta pone integridad y responsabilidad den su nucleo.

E la indica cu: “Un democracia fuerte no ta basa riba persona, sino riba institucionnan cu por sostene e pais den bon tempo y den temponan dificil.” Segun Mansur, Aruba mester sigui fortifica su institucionnan pa crea

durabilidad, confianza publico y un gobierno cu por planifica pa futuro.

Reforma den contexto di dialogo nacional y regional

E presentacion tabata inclui un mirada mas amplio riba desaroyo den Reino, particular den discusionnan cu ta surgi rond di e Rijkswet y su impacto potencial riba autonomia y gobernacion. Segun Sr. Mansur e discusion aki ta resalta un realidad importante: Aruba por logra un mayor estabilidad democratico ora cu su institucionnan y procesonan interno ta opera na un nivel optimal.

Sr. Mansur a splica cu, mescos cu algun tema ta den man di autoridad competente pa investiga, e realidad actual ta pone na frente un punto crucial: confiansa di pueblo ta depende tanto di ley mes como di apariencia di integridad. E tema di transparencia y integridad den servicio publico ta bira cada biaha mas relevante pa pueblo di Aruba.

Un sesion participativo y orienta na solution

E sesion a finalisa cu un dialogo interesante entre participantenan, caminda tabata trata:

- Con ciudadanonan por contribui na un democracia mas fuerte;
- Medida concreto pa modernisa e sistema electoral;
- Rol di educacion civico den fortalece cultura democratico;
- Maneho di conflicto di interes y supervision independiente den institucionnan publico.

E participanten a expresa



apreciacion pa claridad y profundidad cu Sr. Mansur a trece na e tema, y pa e forma cu a conecta e contenido teorico cu realidad actual di Aruba.

Compromiso di RAIZ

Partido RAIZ ta sigui destacando cu formacion, concientizacion y dialogo abierto como base di un generacion di lider y ciudadano cu ta pone integridad, transparencia y pais na prome lugar. E programa AGB ta contesta un necesidad real: un arkitektura democratico cu ta solido, inclusivo y prepara pa futuro.

Siguiente Sesion – Staatsrecht cu Sr. Luciano Milliard

E siguiente sesion di AGB 2025 lo tuma lugar diahuebs 20 di november na Botica Oduber

Building, riba e tema “Staatsrecht”, presenta pa Sr. Luciano Milliard, docente di derecho constitucional na Universidad di Aruba. Sr. Milliard lo sigui elabora riba e funcionamiento di nos marco constitucional, e rol di poder estatalnan, y con gobernacion democratico ta proteha su fundamentonan legal.

Fecha: Diahuebs 20 di November
Ora: 7:00 PM – 9:00 PM

Lugar: Botica Oduber Building, Caya Betico Croes 103

Partido RAIZ ta invita tur cuidanonan pa sigui forma parti di e programa educativo, cu ta contesta un demanda real pa bon gobernacion na Aruba.

Partido MEP

FUTURO BEKRITISEERT JARENLANG HET ONTBREKEN VAN JAARREKENINGEN, MAAR ZWIJGT BIJ BEHANDELING VAN JAARREKENING 2019

Tijdens de parlementaire behandeling van de jaarrekening 2019 viel één zaak bijzonder op: hoewel FUTURO al jarenlang forse kritiek uit op het structurele uitblijven van jaarrekeningen, nam de fractie ditmaal zelf geen enkel woord tijdens het debat.

FUTURO heeft zich herhaaldelijk gepresenteerd als een partij die transparantie en financiële verantwoording centraal stelt. Het verwijt Kabinet Wever Croes was steevast dat het gebrek aan tijdige jaarrekeningen slecht

bestuur en een gebrek aan controle door het parlement in de hand werkt.

Toch, op het moment dat de jaarrekening 2019 eindelijk op de agenda stond en er een uitgelezen gelegenheid was om inhoudelijke kritiek te leveren of diepgaande vragen te stellen, bleef de fractie opvallend stil. Geen bijdrage, geen vragen, geen onderbouwing van de kritiek die zij al jaren voert.

Volgens verschillende waarnemers laat dit een duidelijke



tegenstrijdigheid zien tussen de politieke retoriek van FUTURO en het daadwerkelijke optreden in het parlement. Het roept de vraag op of de partij meer gericht is op politieke

profilering dan op serieuze inhoudelijke controle van het financieel bestuur van het land. In een debat waar juist inhoud en serieuze beoordeling van overheidscijfers centraal

zouden moeten staan, was de afwezigheid van FUTURO's bijdrage een opvallend en weinig overtuigend signaal.

RENOBACION DI EDIFICIO HISTORICO NA ZOUTMANSTRAAT A KEDA CLA




Ultimamente a tuma luga e entrega oficial di Zoutmanstraat 1. Prome Minister mr. Mike Eman conhuntamente cu Minister di Salubridad, Asuntonan Social, Cuido di Adulto Mayor y Maneho

di Adiccion Mervin Wyatt-Ras a ricibi e edificio historico aki completamente restaura. Premier Eman a indica cu e tabunita di mira cu Directie Ouderenzaken ta esnan cu lo ocupa e edificio, como cu ta un parti importante di historia di nos isla. Fort Zoutman tabata un di e prome oficinanan administrativo di nos isla den pasado y tabata fungi como oficina di Douane, Polis, registracion, te hasta Corte y Parlamento, despues segun desaroyo y modernisacion a construi e edificio di Zoutmanstraat 1 y a

muda gran mayoria di oficinanan administrativo pa e localidad aki. Awer ta toca turno na Directie Ouderenzaken pa ocupa e edificio historico aki. Esaki ta musta tambe e balor cu ta duna na e departamento di asuntonan di adultonan mayor. Monumentenbureau a sa di guia e proceso te na e momento final di su entrega. Prome Minister Eman a expresa palabra di admiracion na tur cu a forma parti di e proyecto aki, muy particular e supervision pa percura pa e edificio keda den su forma autentico.



ARUBA BANK TA ANUNCIA APERTURA DI SU SUCURSAL "SELF-SERVICE" DEN CAYA GRANDI



Oranjestad, Aruba - 18 di november 2025 — Aruba Bank ta celebra cu gran orguyo e apertura di su sucursal "Self Service" den Caya Grandi, awor transforma pa brinda servicionan Self-Service den un atmosfera moderno, cu ta ofrece mas comodidad, acceso y inovacion pa nos comunidad.

E aña aki Aruba Bank ta celebra 100 aña di existencia, un siglo di confiansa, servicio y crecimiento hunto cu comunidad di Aruba. Durante tur e añanan, Aruba Bank a keda fiel na su compromiso pa sigui inverti den e futuro di Aruba y den bienestar di su clientenan.

E sucursal den Caya Grandi tin un gran balor historico, como un parti esencial di e desaroyo economico y comercial di nos capital. Cu e apertura aki, Aruba Bank ta reafirma su confianza den e vitalidad di nos centro.

Caya Grandi semper a simbolisa movimiento, comercio y bida. Mantene e banco su presencia ta un forma concreto di contribui na e revitalisacion di Oranjestad.

Den un mundo caminda comercio y tecnologia ta sigui evoluciona, Aruba Bank ta demostra cu inovacion ta bai man den man cu acceso, comunidad y confiansa.

Parti pafo di e branch den Caya Grandi tin:

- Un (1) ATM, un (1) Smart Deposit Machine y un Night Depository, disponibel te 10 di anochi.

Paden di e Self Service Branch:

- Un (1) ATM, un (1) Smart Deposit Machine pa deposito rapido y conveniente pa cliente y comerciante.
- Dos (2) Self-Service Kiosks pa servicio inmediato manera cambia adres, transferi fondo, of check balans.
- Dos (2) computernan pa acceso digital.
- Y pa asisti nos clientenan, dos (2) Digital Ambassadors lo ta presente pa guia tur cliente cu ta desea asistencia y servicio.

Aruba Bank ta mas cu un banco, nan ta un partner di confiansa den e progreso di nos pais. E sucursal aki ta un demostracion di nos



compromiso pa sigui innova, ta mas cerca di nan cliente, y ta un parti activo den e desaroyo di Caya Grandi.

Aruba Bank ta gradici tur esnan cu a contribui pa logra e proyecto aki, nan team interno te na e contratistanan, y naturalmente

nan clientenan cu ta e rason principal pa nan existencia. E Self-Service Branch den Caya Grandi ta un simbolo di progreso, inovacion y servicio, reafirmando e mision di Aruba Bank: Sigui crece hunto cu Aruba.

Clasificados

SOLODIPUEBLO@GMAIL.COM
CEL. 585 9500

Parlamentario Evelyn Wever-Croes

APROBACION DI CUENTANAN ANUAL 2019 TA APROBACION DI MANEHO DI GABINETE WEVER-CROES



Mi kier gradici y duna elogio na e ekipo di profesionalnan di Directie Financien, Departamento di Impuesto, Directie

Wetgeving en Juridische Zaken, y Algemene Rekenkamer pa nan trabou incansabel riba e cuenta anual di 2019. E trabou tabata uno grandi, y pa motibo di falta di personal, cambio den e sistemática y falta di personal cualifica, a causa un retraso. Asina mes, esnan cu si tabata tey a haci un trabou tremendo”, Evelyn Wever-Croes, lider di fraccion di MEP a duna di conoce.

Wever-Croes a reconoce cu e cuenta anual 2019 ta laat. El a splica cu tabatin obstaculonan cu a causa e atraso pero cu a enfrenta tur esakinan,

y awe ta cuminsa mira e resultadonan. E atraso aki ta un consecuencia di añanan largo di desorden financiero, di falta di disciplina y di responsabilidad financiero durante e dos gabinetenan di Mike Eman 1 y 2. Esaki ta un realidad historico cu no por wordo ‘deleted’.

Segun e lider di fraccion e cuenta anual di 2019 ta e prome año di e orden financiero cu su gabinete a implementa despues di e acuerdo cu a logra na november 2018 cu Hulanda. Un acuerdo cu tabata necesario pasobra gabinete Mike Eman a viola tur palabracion cu

Hulanda.

E ley di cuenta anual 2019, ta marca algun conclusion importante di e maneho financiero di Gabinete Wever-Croes:

1. ☐ ☐ Un Mehoramento Fuerte den Resultado di Explotacion / exploitatie resulta, deficit y surplus. Di deficitnan te cu 400 miyon florin, pa un surplus di 40 miyon.

2. ☐ ☐ Entradanan di pais Aruba a aumenta, debi na un maneho di impuesto mas husto, den cual mas hende ta paga.

3. ☐ ☐ Gastonan di gobierno ta bou control

4. ☐ ☐ Debe nacional a cuminsa baha

5. ☐ ☐ Cumplimento cu normanan internacional “Pueblo di Aruba ta merece transparencia, e pueblo merece un gobierno cu ta responde. Mi ta sinti hopi orguyoso cu finalmente nos ta eliminando e retraso den aprobacion di cuantan anual. E no tabata facil. Pero el a wordo haci si. Nos no por cambia pasado, pero nos por dicidi pa nunca mas bolbe na desorden di antes. Aruba ta moviendo padilanti y ta birando fuerte. Y hunto, nos a logra esaki. Danki un biaha mas na tur cu a haci esaki posibel”, Evelyn Wever-Croes a expresa.

CENTRO DI BARIO NOORD TA INVITA ARUBA PA BIN CELEBRA SU “PARANDA NORTERO”— MERCADO DI PASCO

NOORD — Aruba ta reuni pa celebra e temporada di Pasco di forma alegre y autentico cu un

evento grandi pa tur comunidad: PARANDA NORTERO, un mercado di Pasco den un anochi dedica na tradicionan arubiano, talento local, gastronomia multicultural y ambiente familiar cu ta característica di nos pueblo. PARANDA NORTERO lo tuma luga 29 di November 2025, di 6:30 PM te 11:00 PM, cu entrada completamente gratuito pa grandi y chikito.

E evento special aki ta parte di e movimiento “Noord Celebrando Hunto”, un iniciativa pa uni bario, famia, amigonan y bishitante den un ambiente yena di ambiente celebrativo di fin di año.

Tur hende ta invita pa sali for di

cas, drenta e ambiente di union y disfruta di un atmosfera di tradicion y presentacionnan cultural unico.

Un di e atraccionnan principal di e evento ta cu lo lansa e spotlight riba atistanan local, cu lo yega pa muestra talento y pasion riba escenario. Den un combinacion vibrante di musica, baile y ambiente tipico Arubiano, e programacion ta inclui presentacion di Gruponan di Baile, e ritmo contagioso di Tipico Briyante, energia cultural di Grupo di Betico, y naturalmente e sonido tipico y tradicional cu e pueblo ta spera durante temporada di Pasco: Gaiteros del Norte.

E mercado di Pasco mes lo keda un atraccion grandi. Ta spera platonan multicultural cu henter pueblo por gusta: delicia local, snack

crioyo, gastronomia di diferente cultura cu ta forma parti di nos isla, y mucho mas. Talento artesanal lo tin su lugar tambe, cu hende por cumpra obranan

creativo, regalanan tradicional y producto traha na man perfecto pa temporada di fiesta.

Meta principal di Paranda Nortero ta pa “promove union den comunidad, crea un espacio segun y alegre pa tur famia, y mantene biba e tradicionan di Pasco Arubiano cu ta pasa di generacion pa generacion.” Den un tempo caminda ritmo di bida ta bai lihe y conexcion humano ta sinti falta, e evento aki ta busca pa trece bek e sentimiento di bario, alegria y celebracion colectivo.

Ademas, e evento ta diseña pa atrae hende di tur edad. Pa e mas chikito tin sorpresa y



actividad den Mercado di Pasco, mientras cu adulto por disfruta di musica, cuminda y un ambiente relajante di e anochecer Arubiano. Pa esnan cu ta di bishita riba nos isla, ta un oportunidad perfecto pa sinti di cerca e spiritu cultural cu Aruba ta orguyoso di comparti.

“Paranda Nortero” su mercado di Pasco ta prominti di bira un di e evento mas popular di e temporada, un anochi unda ambiente Arubiano,

Vision pa reforestacion di Aruba ta sigui: JACINTHA KLEUTERSCHOOL DAKOTA A HAYA SU HARDIN PA SIÑA MUCHA PLANTA MATA



Prome Minister Mike Eman a haci un bishita na Jacintha Kleuterschool Dakota caminda a haya oportunidad di mira di cerca con ta crea un hardin nobo. Importante den e proceso ta payega na e meta grandi di reforestacion cu gobierno tin, den cual kier planta cien mil mata den e cauter aña nos dilanti, caminda kier mira mas involucemento di e sociedad y cu por transferi e conocimiento y amor pa mata/naturalesa. Un combinacion ideal! E combinacion aki a mira

na diferente scol, cu a responde na e yamada pa nos tur duna un man y sembra speransa riba nos pais. Premier Eman a expresa tambe cu cada mata cu planta ta sembra un parti di nos identidad, locual kier mira mañan. Nos muchanan di scol tin hopi interes den e proyecto di reforestacion. Despues di e bishita na Jacintha Kleuterschool algun siman pasa, riba un peticion di nan parti, ta di brinda sosten na e proyecto por medio di un hardin (schooltuintje), un Green

Garden lo yuda siña e muchanan planta mata.

No solamente mata di berdura/fruta pero tambe mata bunita, cu ta floria y asina duna e alegria di mira vegetacion. Algo importante pa Aruba, pa e clima, pa e sombra, percura pa tin mas gordura. Cu contribucion di nos muchanan, cu sosten di Bucuti Beach Hotel, awe por mira inicio di un Green Garden den cura di Jacintha Kleuterschool.

Durante e bishita na Jacintha Kleuterschool a topa cu Rhakeem Samuel, un especialista den syntropic agroforestry na Aruba. Na Jacintha Kleuterschool, nan tabata bezig ta crea un hardin nobo den cual e muchanan di school por haci uzo di esaki pa un groene klas. Aki nan ta siña no solamente con ta planta mata pa cuminda, pero tambe conecta cu naturalesa. Ta importante pa inicia na edad hoben cu e amor pa naturalesa,

mirando cu e ta cubri diferente aspecto di bida, manera e parti spiritual y mental y trahando cu mata nos ta siña balora loke nos tin, manera cuminda, aire y diferente material cu esaki ta duna nos.

E plan nacional di reforestacion di Gabinete AVP-Futuro ta un bon plan y Rhakeem ta spera di por traha den bon cooperacion pa esaki bira un exito, pero sigur ta aplaudi e vision aki di duna nos naturalesa e importancia cu e merece.

GOBIERNO TA ANUNCIA UN FASE NOBO DI STABILIDAD Y PROFESIONALISMO PA ARUBA AIRPORT AUTHORITY

Awe Gobierno di Aruba a confirma un fase nobo di estabilidad y profesionalismo na Aruba Airport Authority (AAA) pa medio di e proximo nombramento di un CEO nobo y e cooperacion renoba cu Royal Schiphol Group. Esaki ta marca e fin di e incertidumbrenan recien y ta posiciona e aeropuerto pa acelera e etapa di expansion di Gateway 2030.

Aunke lo publica e nomber di e CEO despues di firmamento formal, Gobierno a enfatisa cu e lider nobo ta trece experiencia fuerte di aeropuerto y infraestructura internacional. Bou di e

cuadro di LNT, e rol di CEO lo opera tambe na e nivel di costo anual total mas abou den historia di AAA, significativamente bou di e paketenan di compensacion anterior y completamente alinia cu e normanan nacional di husticia y transparencia.

Gobierno a aclarea cu Aruba ta keda 100% doño di aeropuerto. E acuerdo cu Schiphol ta un colaboracion, no un benta, dunando AAA acceso na experticio mundial, gobernacion moderno, y sosten operacional mientras cu Aruba ta mantene control di tumamento di decision.

Gateway 2030 awo a drenta su fase mas intensivo na capital y sensitivo na riesgo. Un partner internacional fuerte manera Schiphol ta brinda confiansa vital na e prestamistanan, e aerolineanan, e inversionistanan, e empleadonan y e biaheronan mientras Aruba ta acelera e proyecto.

E candidatonan Rubiano ta keda completamente eligibel pa futuro rolnan den top, y un prioridad clave bou di e cooperacion nobo ta formacion y desaroyo di gerentenan local. Gobierno tambe a reafirma su ambicion pa establece un di dos director estatutario local, di acuerdo



cu e guianan di LNT.

“AAA ta un activo nacional strategico”, Minister Wendrick Cicilia a declara. “Cu e partnership renoba, e proximo CEO, y e fast-track riba Gateway 2030, Aruba

lo conta cu un aeropuerto dirigi profesionalmente, un continuidad operacional mas fuerte, y beneficianan a largo plaso pa nos hendenan”, Minister Cicilia a termina bisando.

MINISTERIO DI FINANSA CU TAYER INFORMATIVO TOCANTE DI LEY, REGLA Y PROCEDURA NOBO DI DESTAHO DI GOBIERNO

Den luna di september, Departamento di Finansa den nomber di Minister encarga cu finansa a organisa tayernan informativo tocante di e ley di destaho (AB 2019 no. 39) y decreto general di destaho (AB 2024 no. 14). Ambos ley, cu ta drenta na vigor per 1 januari 2026, ta trece un cambio den e reglanan y proceso di destaho di Gobierno.

E cambionan den e regla y procedura di destaho ta duna mas flexibilidad,

duna mihor substancia na e decision cu ta wordo tuma, ta cumpli cu e principianan general di ley di destaho y ta duna mas regla pa implementacion. Consecuentemente e ley ta premira cu ta bai duna mas transparencia, un comercio husto y competitivo y hisa e responsabilisacion den e uso di e recursonan financiero di pais Aruba. Entre otro gobierno tin e obligacion di publica ariba www.overheid.aw

- ta tene un destaho publico y tambe kende a

gana e destaho publico;

- e ministeriële beschikking (mb) ora di desvia di e procedura di destaho y e motivo manera manera stipula den ley;

- e compra di producto, servicio of un trabou adkiri por medio di un destaho cu un valor di Afl. 25.000, of mas;

E tayernan ta culmina riba 25 di november di 2pm te cu 5pm na Pedro Gallegostraat 6, cu un tayer cu Minister encarga cu Finansa ta organisa conhunto cu



Departamento di Finansa y ta invita provedornan di gobierno pa participa.

Pa registra pa e workshop por via e siguiente link:

Un acuerdo mas! Minister Gerlien Croes ta firma cu Monroe University di New York



ORANJESTAD, 18 di november 2025 – Minister di Relacionnan den Reino, Educacion, Hubentud, Inovacion y Deporte, mr. Gerlien Croes, a firma un acuerdo di colaboracion (MoU) cu Monroe University na New Rochelle, New York, pa crea mas oportunidad pa nos hobennan sigui nan estudio na un institucion internacional di nivel. E acuerdo ta habri porta pa studiantenan Arubano den diferente area di estudio, particularmente den deporte y programa di atleta-estudiante, musica, arte, STEM (Science, Technology, Engineering & Mathematics) y otro programa di intercambio y colaboracion academico. E aliansa ta parti di un bista amplio pa crea oportunidad educativo pa futuro, amplia acceso na institucionnan di


enseñansa superior, y fortalece laso educativo entre Aruba y Merca. Minister Gerlien Croes a expresa su satisfaccion cu e paso nobo aki: “Nos ta sigui amplia horizonte pa nos hobennan. E meta ta pa duna mas alternativa pa forma nan talento y prepara nan pa un mundo global. Enseñansa y oportunidad ta e base pa progreso sostenibel di nos pais”. E acuerdo cu Monroe University ta e di tres acuerdo internacional cu Minister Gerlien Croes a firma den un periodo cortico, cu ta refleha su compromiso pa fortalece educacion y innovacion na Aruba. No ta descarta cu Minister Gerlien Croes hunto cu su minister lo ta trahando duro pa yega na mas acuerdo y colaboracionnan educativo den futuro.

CROSSWORD WORD SEARCH PUZZLE



Sight Words Crossword

Write one word from the box in each sentence.
Write it again in the puzzle.



PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500



Word Box

after	again	could	every	from	know
open	put	some	stop	walk	where

Fraccion di MEP

Parlamentario Otami Thomasia ta reclama Minister di Cultura Mike Eman:

CELEBRACION DI YEGADA DI SINTERKLAAS TA RACISMO Y MESTER CAMBIA

ORANJESTAD - Durante tratamento di cuenta anual 2019 den Parlamento, Parlamentario di AVP Otami Thomasia a critica e yegada di Sinterklaas diadomingo ultimo. El a cuminsa bisa cu e celebracion di "zwarte piet" ta un ofensa pa un grupo den nos comunidad, cu ta sinti nan discrimina.

Parlamentario Thomasia a reconoce e esfuersonan cu ex minister di cultura Xiomara Maduro a bin ta haciendo desde 2022, di respeta e sentimentonan di e gruponan den comunidad,



y a haci e celebracion di Sinterklaas algo bunita, cu pietnan colorido. Hasta a cambia e letranan di e canticanan pa asina segura cu ta un celebracion cu ta inclui tur hende.

Sinembargo Minister di Cultura actual Mike Eman a falta respet pa e comunidad, y a mostra cu p'e racismo y discriminacion ta na orden di dia. Esey a molestia parlamentario Thomasia, cu a expresa su desapunto y a pidi Minister Geoffrey Wever pa hala atencion di ministerraad. Minister

Geoffrey Wever a reconoce cu e tampoco no ta di acuerdo cu loke Mike Eman a haci, y parlamentario Ruthlyn Lindor di Futuro tampoco tabata contento cu su gobierno.

Si ya caba a cambia e rumbo di nos pais, si ya caba Aruba a dal 10 stap dilanti, awor Mike Eman ta manda nos pais 100 paso bek atras. Fraccion di MEP ta sostene e critica severo di parlamentario Thomasia, y ta urgi minister Mike Eman pa ofrece disculpa pa e eror cometi.

Diahuebs 20 di november FESTIVAL DI "DERECHO DI MUCHA" NA PLAYA PABAO

PLAYA PABAO – Diahuebs dia 20 di november, nos ta celebra "Dia di Mucha" na Aruba. Riba e dia aki tambe ta celebra "Dia International Di Derecho Di Mucha".

Pa e motibo aki directiva di Centro di Bario Playa Pabao ta duna reconocimiento na nos muchanan den un solo actividad na Playa Pabao.

E actividad aki ta tuma lugar diahuebs dia 20 di november y ta cuminsa pa 3'or di merdia y lo termina pa 8'or di anochi. Nos muchanan tin oportunidad pa hunga den "waterslide", bula riba

trampolin y den dinojump, hunga den luchtkasteel, monster truck, pinta cara y participa na diferente wega. Tambe muchanan tin oportunidad pa gana premio.

Entada ta completamente gratis. Muchanan ta wordu invita pa bin cu nan trahe di baño pasobra ta bay tin un "waterslide". Pa 6'or ta cuminsa un ora di locura, cu ta insera un show di carnaval, sigi pa un show "Di Mucha Pa Mucha" cu presentacion di gruponan di baile y solistanan hubenil.

Pues diahuebs dia 20 di november ta celebra Dia

di Mucha y ban duna nos muchanan reconocimento riba e dia importante aki y laga nos manera un famia grandi asisti na e actividad aki cu nos muchanan na Centro di Bario Playa Pabao. Pues mayornan nos ta warda boso y bin compaña bo yiu(nan) na e actividad aki.

Lo tin un bar (sin bebida alcoholico) y un cushina cu prijsnan di dia di mucha. Un danki di curason ta bay na Asociacion pa Trabou Hubenil Arubano (ATHA) Vertegenwoordiger van Nederland in Aruba (VNO) pa nan contribucion na e actividad aki.



Fraccion di MEP a presenta mocion: **ELIMINA E INHUSTICIA ENTRE E DIRECTORNAN DI COMPANIANAN ESTATAL**



ORANJESTAD - Na juni 2022 Aruba a introduci un maximo riba salario di directornan di entidadnan di gobierno, na un maximo di 329 mil florin. Ta trata aki di 11 director. Gabinete AVPFuturo sinembargo a publica un excepcion cu ta conta exclusivamente pa un director nobo na AAA riba peticion di Schipholgroep. Esaki tabata un decision cu a sorprende fraccion di MEP, pasobra un biaha mas gobierno AVPFuturo ta pasa tras di lomba di Parlamento sin informa pa dicidi riba un cambio di un ley cu Parlamento a aproba na 2022.

Minister Geoffrey Wever e siman aki durante un reunion riba un otro topico a hañ'e obliga di duna cierto informacion, y a informa cu ya desde april 2025 gobierno AVPFuturo a firma cu Schiphol, cu pa nan e maximo di salario

di 329 mil NO ta aplicabel, y a aproba pa e director nobo di AAA gana un salario di 1.1 miyon florin.

E minister a informa tambe cu na september 2025, 5 luna despues, e a corda cu tin mas director cu solamente Schiphol y a pidi pa cuminsa revisa e ley pa demas directornan, pero e proceso aki lo tarda. Remarcabel ta cu ya den november e decreto oficial pa e excepcion di AAA / Schiphol ta cla, pa un director no local cu si por gana 1.1 miyon florin, pero no tin miras ki tempo e situacion lo wordo coregi pa demas director y companianan.


Esaki ta un inhusticia pasobra mientras e director di AAA/Schiphol no a ni wordo apunta ainda, e demas 10 otro directornan LOCAL ya caba mester a entrega nan salario, y nan trahadornan

tambe. NAN tin mas urgencia cu e director di AAA cu ni a yega Aruba ainda.

Esey ta inhusto, y den e inhusticia aki no ta relevante KEN ta paga e salario. Cada cen of cada miyon mas cu bo paga Schiphol, ta miyon menos cu por bay na gobierno pa yuda nos mamanan soltero, pensionadonan, y nos hobennan

P'esey e Fraccion di MEP a presenta un mocion, pa coregi e inhusticia di e gobierno aki den e decreto oficial. Si tin excepcion pa un, mester tin excepcion pa tur. Lamentabelmente fraccionnan di AVP y Futuro a vota CONTRA e mocion, y ta scohe pa no elimina e inhusticia.

Fraccion di MEP no ta laga e cos te aki. Fraccion di MEP lo reuni cu tur e representante di e



entidadnan estatal, y lo haci tur esfuerso posibel pa elimina e inhusticia. No ta husto cu ta duna personanan cu no ta local

privilegionan y ta nenga directornan local esaki. Ta obvio un biaha mas cu AVP y Futuro ta CONTRA nos hendenan local

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

FORTALEZA PA FAMILIA

Scirbi pa Pastor Marcel Balootje

STOP DI NEGOCIA CU DIABEL

Den Mateo 4:1-11, diabel a aserca Hesus den desierto y kier a negocia cune, bisando cu si bo ta Yiu di Dios, haci locual mi ta bisabo, y Hesus a reprende e diabel bisando; Bay for di akinan satanas, Pasobra ta para scirbi: Adora Senyor bo Dios, y sirbi E so. Y e ora ey diabel a bay laga E, y mira angelnan a bin y a sirbi E.

Cada biaha cu hende ta persisti den maldad, imoralidad, contra ordenansa y principio di Dios, buscando cierto poder material of spiritual cu no ta di Dios, nan ta bezig ta negociando cu diabel.



Cada biaha cu un persona ta persisti di biba un bida immoral, sabiendo masha bon cu esey ta bay contra boluntad di Dios e ta negociando cu diabel cual lo hibe dia pa dia mas den securidad.

Hopi biaha e bida di un hende cu ta necogia cu diabel ta muestra masha bunita, den rikesa, den

materialismo, pero su bida ta leu for di Dios, dor di pactonan cu securidad, cu den final lo caba na destruccion.

Cuanto mandatario of presidente di paisnan rond mundo no ta negocia cu diabel, pa asina keda hopi anja na poder, pero nos tur ta ripara cu semper e tipo di gobiernonan ey ta hiba e pueblo den probresa extremo, pasobra caminda tin idolatria, y negocio cu maldad pobresa ta aumenta.

Ta para scirbi den 2 Timoteo capitulo 3, 4, Efesionan 6 ya bisa cu nos lucha no ta contra carni y sanger, cu den ultimo tempo maldad, bruheria, santeria, y satanismo tambe lo lanta cabes, pasobra hende lo ninga di sigi palabra di Dios, y acepta fabula, cosnan cu ta kishiki nan horea, cosnan cu nan sa bon, cu no ta agrada Dios, y cu ta hiba na locura.

Asina cu palabra di coreccion di parti di Dios, ta pone un hende rabia, palabra di Dios ta pone un hende, bira negativo, berdad ta pone un hende, bira onspontief, y hasta

e kier tuma vengansa contra esnan cu ta trece e palabra, mesora bo ta nota presencia di diabel.

Un tempo nos tabata tende di e cosnan aki, awor nos ta mira nan cu wowo cla, tur locual hende kier logra cu no riba un base sano, cu ta bini for di man di Dios, nan ta purba di logra

mas cu nunca, awor cu e binida di Cristo ta serca nan manifestacion ta birando bisto cada dia mas, y tin homber y muher ta cay den nan trampa, keriendo cu ta sabi nan ta pero ta bao di dominio di maldad nan ta.

Un ladron ta pensa cu nunca polis lo gara e, un bendedornan di droga ta pensa cu e lo bende droga y bira rico, y cu su rikesa y poder lo ta pa semper, pero nos tur sa cu hopi di nan cu a laga diabel ganjanan a paga cu nan bida, of ta pasando mayoria parti di nan bida den prison.

Sea sobrio, sea alerta, boso adversario e diabel, ta cana rond manera un leon, manera un leon cu ta grunja, buscando ken e por devora. (1 Pedro 5:8).

Tene cuenta cu ora nos ta biba cu falta di pordon, yena cu rabia, y buscando vengansa nos ta negociando cu diabel. Ta tempo pa laga los. Sinceramente, Pastor Marcel Balootje.

 Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - November 18, 2025		
CATOLICI Sorteo # 4807 2271 1856 7931	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 300.000,-
MULTI X X2 BIG 4 Sorteo # 4807 4549	LOTTO DIA Sorteo # 0 x Jackpot 0 x Match 4 0 x Afl. 8,00	Proximo Jackpot 82.000,-
MULTI X X5 OFF Sorteo # 2863 0312	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 250.000,-
ZODIAC Sorteo # 4807 4404 Capricornio	MEGA Afl. 350.000,-	
LUCKY 3 Sorteo # 1681 911 X3	KORSOU Sorteo #	

 Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - November 18, 2025		
CATOLICI Sorteo # 8703 6264 0011 2720	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 300.000,-
MULTI X X2 BIG 4 Sorteo # 7747 1613	LOTTO DIA Sorteo # 7012 0 x Jackpot 5 x Match 4 168 x Afl. 8,00	Proximo Jackpot 82.000,-
MULTI X FP OFF Sorteo # 2452 5406	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 250.000,-
ZODIAC Sorteo # 6506 9796 Acuario	MEGA Afl. 350.000,-	
LUCKY 3 Sorteo # 1436 742 X2	KORSOU Sorteo #	

CONOCE BO BANCO CENTRAL

Banco Central di Aruba ta invita comunidad di Aruba pa un experiencia unico y educativo

ORANJESTAD – Pa prome biaha den su historia, Banco Central di Aruba (BCA) ta habri su portanan pa comunidad pa un evento historico: 'CONOCE BO BANCO CENTRAL'. E actividad lo tuma luga diasabra 22 di november 2025 y lo brinda un experiencia educativo y interactivo unda grandi y chikito por descubri e rol esencial cu BCA tin den nos economia y comunidad.

E actividad aki ta e prome biaha cu BCA ta habri su portanan pa pueblo di Aruba pa asina ofrece e oportunidad di conoce mihor e mision, balor y e rol como Banco Central. Den cuadro di e proceso di actualisacion di nos identidad visual, BCA no solamente ta refleha un imagen nobo, pero ta enfoca riba educacion y aumenta conscientisacion tocante e responsabilidadnan cu e institucion ta carga. Durante e actividadnan lo ofrece un oportunidad

unico pa grandi y chikito pa explora e diferente areanan di trabou di BCA. Durante dia bishitantenan lo por entre otro siña con BCA ta mantene e balor di nos florin, ta cuida estabilidad financiero, ta controla inflacion y hopi mas. Expertonan local y internacional di BCA lo ta disponibel pa duna educacion financiero, splica mas encunto Cyber Security. Tambe lo por presencia un Hackaton cu lo tuma luga na BCA. Lo tin exposicion di Aruba su moneda, e Florin den e stacion di 'Nos Tesoro - Aruba su Florin' y tambe lo tin tayernan pa henter famia por participa. Pa esnan di mas chikito lo tin un kidscorner cu wega y puzzel educativo.

BCA kier enfatisa cu e actividad aki ta un oportunidad pa comunidad conoce no solamente e trabou di BCA pero conoce tambe e team dinamico tras di un institucion asina importante pa Aruba.



BCA ta haci un invitacion cordial na comunidad completo pa bishita e 'CONOCE BO BANCO CENTRAL' y tuma parti den e experiencia educativo y interactivo riba 22 di november. E dia ta cuminsa for di 10 'or di mainta te cu 6 'or di atardi. Cantina lo ta bon surti. Bishita e pagina di Facebook di Banco Central di Aruba

pa keda na altura di tur informacion. 'CONOCE BO BANCO CENTRAL' lo ta undi a yenadiconocimiento, describimento,

inspiracion y un muestra di BCA su compromiso pa integridad, sostenibilidad y responsabilidad pa comunidad.



Paga bo cuenta online ta facil



SOPI DI LETRANAN



I R A I N B O W W O D
E S I G U D S A G N
Z N D U O L C C N I
A O H O L S M O I T
C D A L R R E D N Z
I O I N O R L A T I
R O L T N P D N H A
R L S S U D D R G R
U F D I S A U O I Z
H A W O N S P T L O

WORD LIST

STORM
LIGHTNING
SUN
HAIL

FLOOD
TORNADO
RAIN
RAINBOW

CLOUD
HURRICANE
SNOW
PUDDLE

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			



Oracion di dia

Un feliz dia yena di hopi fe y speransa
den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. "...pa nan tambe confia denSEÑOR, no lubida Dios su obranan grandi..."(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di
Bo Maraviya.
Y inspira nan pa nan sigui conta na e siguiente generacion.
Amen.

ESNAN CU A DIVORCIA Y TA BIBANDO CU OTRO PERSONA DEN ADULTERIO Y NAN TA KERE CU NAN TA SALBA

Bo no sa, cu unabes cu bo ta casa pa Dios den e Sacramento di Matrimonio, bo ta keda casa pa Dios te na morto y Dios no ta reconoce divorcio. Awor, si bo ta un hende divorcia y bo ta biba cu otro, anto ta con bo por yama bo companjante bo esposo of bo senjora maske cu boso ta casa pa raad? Bo no tabata sa cu bo ta bibando den e pika condenabel di adulterio? Bo sa cu e pika di adulterio ta condenabel pa Dios y na tur esnan cu a muri den nan pikanan di adulterio, nan lo no drenta den e Reino di Dios y nan destino lo ta den fierno of den purgatorio. Bo mester compronde cu e di 6 Mandamento di Dios Tata ta bisa bon cla: "Lo bo no comete e pika di adulterio." Lesa den Bijbel Mateo 5: 32, na unda Senyor Hesus ta adverti bon cla: "Ami ta bisa boso: Ken cu divorcia di su senjora, si no ta pa motibo di infidelidad, e ta pone su senjora comete adulterio. Es cu casa cu e senjora divorcia, e tambe ta comete adulterio." Akinan nos por compronde bon, si un homber divorcia di su senjora, anto e ta provoca cu e senjora ta bay busca un otro persona pa biba cun'e den e pika di adulterio. Akinan e homber cu a divorcia di su senjora, ta keda responsabel di su senjora cu el a divorcia. Y tambe e homber ta keda responsabel di su senjora cu ta bay perdi den e pika di adulterio.

Na e dia di huicio dilanti di e tribunal di Dios Tata, e homber y e muher tin di duna cuenta di nan actonan den divorcio y di adulterio.

Les den Bijbel Marko 10: 6-9 : "Na principio di creacion, Dios a traha homber y muher, p'esey e homber lo laga su tata y su mama pa e uni cu su



muher y nan dos lo bira un solo curpa. Di manera cu nan no ta dos mas, sino un solo curpa. Pues loke cu Dios a uni, no ta permiti pa hende separa." Esaki ta e Sacramento di Matrimonio di Dios den Misa, na unda cu Dios ta uni e pareha den un solo curpa, pa medio di un sacerdote y cu dos testigo. Tambe bo por compronde, cu Dios no ta reconoce divorcio y e pareha mester keda uni te na morto, maske cu nan a divorcia pa raad.

Dia cu bo a casa den e Sacramento di Matrimonio den Misa pa Dios, bo no a huramenta pa Dios dilanti di altar, cu bo lo keda fiel den bon tempo y den tempo di adversidad, den tempo di abundancia y den tempo di pobreza, den tempo di salud y den tempo di enfermedad, den tempo di pas y den tempo di pleito y di stima otro manera bo mes y di keda fiel te na morto?

Awor mi ta puntra bo, ta na unda bo huramentonan a keda dilanti Dios? Laga nos lesa den Bijbel Mateo

5: 33, na unda cu Senyor Hesus ta bisa tocante huramento : "Tambe boso a tende loke a ser bisa na boso antepasadonan: Lo bo no kibra huramento y lo bo cumpli loke cu bo a huramenta na Senyor." Akinan, bo no a huramenta dilanti di Dios den Misa, di keda hunto y fiel cu bo pareha te na morto?

Den Bijbel Huan 4: 5-42, akinan nos por lesa, ora cu e muher Samaritana a pidi Hesus p'e haya e awa di bida eterna, p'e no haya sed di awa nunca mas, anto Hesus a bise, bay busca bo esposo y bin cun'e cerca Mi. E muher Samaritana a bisa Hesus, mi no tin esposo, anto Hesus a bise'le, bo tabata tin 5 homber y e homber cu bo ta bibando cun'e awor, no ta bo esposo. Akinan nos por compronde cu e muher Samaritana ta bibando den e pika grandi di adulterio, pasobra ela divorcia di su prome casa, pa despues ela bay biba cu diferente homber den e pika di adulterio. Akinan tambe, Senyor Hesus


di e condenacion den fierno. Bo no tabata sa, si bo muri den bo pika di adulterio, bo no por drenta den e Reino di Dios. Lesa den Bijbel 1 Corinthionan 6: 9 y 10: "Boso no sabi, cu e inhustonan lo no drenta den e Reino di Dios? No ganja boso mes, pasobra ni e fornicadornan, ni e adoradornan di diosnan falso, ni esnan den adulterio, ni e homosexualnan, ni e ladronnan, ni e burachenan, ni e blasfemadornan, ni esnan golos pa plaka, ni e abusadornan, nan tur lo no drenta den e Reino di Dios."

Tambe den Bijbel Testament Bieuw Levitico 20: 10, na unda cu Dios Tata ta bisa: "Si un homber ta comete adulterio cu un muher casa di su prohimo, nan dos lo muri, e adultero y e muher adultera." P'esey cambia boso bida prome cu ta laat, pa boso no ser condena den e candel di fierno despues di morto.

Un mensahero di Dios.

UN BITTER DI MAS...

POR STROBA BO DI YEGA CAS.



E
DESICION TA
DEN BO MAN

